



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. IV. An, si tempus instat observandi legem, ejus observantia præteriri
possit, prætextu, quòd populus non consenserit.

[urn:nbn:de:hbz:466:1-73031](#)

Q. IV.

An, si tempus instat observandi legem, ejus observantia præteriri possit, praetextu, quod populus non consenserit.

223. Communis doctrina est, tribus modis dici legem aliquam esse acceptam. 1. quando sufficenter promulgata à majori parte communitatis non rejecitur; quia, qui tacet, consentire videtur. 2. quando Magistratus alicujus loci, scripto, vel verbo ostendit, eā sibi placere. 3. quando major pars communitatis, intellectā ejus promulgatione incipit eam servare. Sic Beccanus tr. 3. de Legib. c. 6. Ex his per oppositum intelliges, quando dici debeat lex non acceptata. Si autem quæras 1. quae non acceptatio valida, ac licita sit ad hoc, ut dicta non acceptatio excusat à culpa inobservantiae, in casu quo alioquin observanda lex foret? Resp. quod tune, si præcessit desuetudo legitime completa secundūm dicta n. 189. & seqq. 2. quando propter rationabilem, & gravem causam in contrarium, prudenter, & merito præsumi potest, legem ea conditione latam à Principe, ut non obliget, dum usu recipiatur, secundūm dicta n. 197. & 209.

Si quæras 2. an in casu, quo communitas supplex à legislatore petit legis abrogationem, ejus obligatio suspendatur? loquimur autem de casu solius legis humanae, pro cuius abrogatione supplicatur. Resp. probabilius, quando ea lex est difficultis observationis, vel contrariaatur receptae consuetudini, ceteroquin non pravae, nec oppositæ juri naturali, & divino, eam suspendi tali casu, donec Princeps informetur de tali difficultate, vel consuetudine recepta; ita Castropal. cit. p. 13. n. 4. & apud cum Suarez l. 3. c. 19. n. 12. & l. 4. c. 16. Colligitur ex c. Certificari de sepultur. ubi Clemens III. interrogatus, qualiter ea clausula (*salvā justitiā Ecclesiarum Parochialium*) quæ ponitur in privilegijs recipiendi cadavera defunctorum ad sepulturam in Ecclesijs non parochialibus, intelligenda veniat quoad portionem canoniam Parochialibus debitam? respondit: intelligendam secundūm ejusque provincie consuetudinem rati-

nabilem, & c. 1. de constitut. in 6. ubi Bonifacius VIII. dixit: quod, licet Romanus Pontifex novâ constitutione tollat priorem, contrariam in jure communi contentam, quamvis id non exprimat, speciales tamen consuetudines, & statuta rationabilia non tollat, nisi id exprimat. Ex his enim sumitur ratio præsumendi, ex benigna interpretatione legislatoris Principem nolle legem suam obligare in talibus circumstantijs, dum super difficultate informatus mentem suam declareret, cum merito præsumatur, particulares ejusmodi consuetudines, & statuta ignorasse; quia non revocat, vel tollit, quod ignorat, nisi exprimat, ut recte notat Gloss. in cit. c. 1. V. Facti.

224. Dixi suspendi legem, pendente supplicatione; quod dupliciter intelligi potest. 1. ut subditis interim liceat agere, ac si lex posita non esset. 2. ut eo casu abstineatur ab omni actu legi contrario, expectando Principis resolutionem: in primo sensu, pendente supplicatione, suspendi legem, probabiliter docet Bonacir D. 1. q. p. 4. n. 41. Salas D. 18. S. 4. n. 21. & alij apud Castropal. cit. p. 1. tr. 3. D. 1. p. 13. n. 14. et si ipse judicet probabilius, legem suspendi solum in secundo casu, nisi prudenter metuatur turbatio in communitate (quia tunc prudenter præsumitur voluntas legislatoris nolentis obligare in talibus circumstantijs) quod non raro evenire solet, ubi lex difficultis est, & antiquæ consuetudini contraria; ex n. 208.

225.

226.

Notandum autem de qualitate cause iudicium non esse sumendum à quocunque, sed, ut alias monui n. 218. ubi dimicimus (*an causa resistendi legi sit rationabilis, & justa*) non debere mensurari ex judicio vulgi, & privatorum; sed consilio prudentum, vel facto eorum, qui ceteroquin in tali communitate sunt timoratae conscientiae, & studiosi boni communis; non privati commodi, ex quo frequentissime tamen nascitur, leges alias Reipublicæ supra modum proficias, & necessarias, ab his etiam, qui præsunt, negligi, & inobservantia impediri; his præmissis:

Ad quæstionem initio Q. propositam
227.
Resp. quando lex urget, nō posse licet ilius observantiam præteriri prætexu quod non sit acceptata, quando non præcessit

228.

non acceptatio valida, & licita, hoc est desuetudo prius legitimè completa juxta n. 189. & seq. Nam si ~~eo~~ casu posset licetè illius observantia negligi, vel esset, quod nulla lex obliget, antequam populus acceptet? vel quod hæc sit voluntas legislatoris? non primum, ex dict. sed nec secundum; nam hæc præsumptio indefinite non procedit ex n. 216. ergo. Hinc illicitè non obtemperatur legi, ubi tempus adest, quo urget, si eo solum titulo, quod non sit acceptata, negligatur, seu non observetur, quando falsum est, non esse acceptatam, & tunc solum resistitur, cum urget; nisi adsit rationabilis, & gravis causa excusans in eo casu particulari. Nam in hujus defectu nec adest superioris voluntas legitimè præsumpta, nec desuetudo ritè completa, quæ sola legis cæteraque justa inobservantiam in circumstantijs, quibus alias observanda fotet, à culpa liberant, ut constat ex dictis. Duxi n. 189. nos loqui tantum de casu legis humanae. Nā Cardenas in tract. ad proposit. prohibitas ab Innocentio XI. dissert. 1. in hac ipsa materia tres questiones movet circa leges Pontificias, in quibus quandoque sunt tria specialiter observanda circa acceptationem, quando lex illa est declaratoria alicujus veritatis. 2. prohibitoria. 3. pænalis, & non acceptata, nihilominus vim habeat, ut secus agentes peccent? Ligitur sit.

§. V.

An Lex Pontifica, merè declaratoria alicujus veritatis, pendeat ab acceptatione?

228. **Q**uestio hæc movetur occasione decretorum, quibus Pontifex nonnullas propositiones condemnat, & declarat tanquam scandalosas in materia morum, & in eo stat, *an licitum sit in conscientia non acceptare, seu non conformare se illi decreto, in quantum declarat doctrinam in propositionibus condemnatis contentam, esse scandalosam?* Pro negativa stat Cardenas in tr. ad propos. ab Innocent. XI. condemnatas, dissert. 1. n. 22. & apud eum Molin. tom. 2. de iust. disputat. 325. Lessius c. 20. dub. 23 n. 192. Idem docet Castropal. tom. 7. tr. 32. D. 4. p. 24. n. 5. Rebell. l. 8. de iust. q. 13. §. multò mi-

nus. & multi alij. Procedit autem questio pro casu, quo alicui *moralis saltem certitudine constat de tali decreto declaratorio promulgato Romæ, vel etiam in Provincia;* quo posito:

Resp. ubi mortali certitudine constat de talis decreto declarante, non esse licitum illud quæ tale non acceptare, seu *nihilominus in praxi agere contra declaratam veritatem.* nam cui mortali certitudine constat declaratio facta per tale decretum, ei mortali certitudine constat infallibilis veritas per illud declarata, sed cui mortali certitudine constat infallibilis veritas per illud declarata, illi nequit esse licitum, non acceptare, seu nihilominus in praxi agere contra declaratam veritatem; probatur veritas declarata, est, quod in praxin, seu usum deducere doctrinam, in propositionibus condemnatis contentam, sit scandalosum; sed hæc veritas, ex vi talis decreti est infallibilis (alias Summus Pontifex in eo, quod toti Ecclesiæ in materia morum proponit, tanquam Christi Vicarius, posset errare) cui autem hæc veritas infallibilis mortali certitudine constat, ei nequit esse licitum, non acceptare, seu nihilominus agere contra declaratam veritatem; certum enim est, illicitum esse facere actum, quem quis mortali certitudine novit, esse vere scandalosum. ergo. Hæc de illis decretis, in quantum declaratoria sunt. Ex hoc concludes, in his decretis Pontificijs, in quantum declaratoria sunt, non esse locum suspensioni (de qua n. 225.) pendente supplicatione contra ea apud Pontificem; quia, cum Pontifex quæ talis declarat aliquam veritatem declaratione non potente fallere; facta semel declaratione non potest facere, quod veritas declarata non sit infallibilis, consequenter, quod non sit illicitum contrarium agere.

§. VI.

An lex Pontifica, in quantum prohibitoria, vel pænalis pendeat ab acceptatione?

230. **Q**uestio hæc duplice intelligi potest de Pontificio decreto prohibente 1. quando prohibitio necessario consequitur ad declarationem alicujus veritatis; 2. independenter à tali declaratione. Resp. si loquamur de decretis Pontificum non